

## 『鑑真大和尚伝』

### 一、戒壇院

堂二字〈南戒壇 北講堂〉

(中略)

大和尚傳云。勝寶六載甲午二月一日。至難波驛國師鄉。僧崇道及大僧正行基弟子法義等。設供共■(余+又)寒暄。三日至河内國守藤原魚名廳。大納言仲丸故遣賀菫光順慰勞衆僧。復有律師道璿。令弟子二僧來問許兼令二近事來躬承。同日復有布衣高行僧志忠。賢璟。暁貴等卅餘人。行道讚歎。明發取大和國平涼驛宿。在道勅使催令入京。至平涼驛。略歇息少時入京。勅使遣安宿王正四品於南閭門慰勞衆僧。勅令請住於東大寺安置。有京城僧徒及官僚文者等。於南閭門相迎同送引和東大寺。良弁僧都引至大佛前禮拜。良弁云。此是大帝太上天皇引天下人共結。良縁鑄此金銅像坐高笏尺五十尺。又問唐中頗有如此大像。遣延慶譯語云無。更禮拜供養讚歎行道竟。相引至客堂住。勅使安慰。明旦即有大唐律師道璿來相問訊。後有婆羅門僧正菩提、亦來參問云。某甲在唐崇福寺。住經三日。闍梨在彼講律。闍梨識否。和上云憶得也。復有内道場僧五十人令來相看。良弁僧都云一時禮拜。光祿大夫式部卿藤原永手參禮。又移入官倉院。三月勅使朝臣真備參東大寺安慰衆僧。大德遠涉滄波來至此國。朕先造東大寺經十餘年。於大佛西欲立戒壇。自有此心日夜不忘。今諸大德遠來冥契朕心。乃是朕之有感。自今已後授戒傳律一任大德。又勅令良弁。問和上在唐相共臨壇僧名此間有幾律師。和尚仍令僧法進附口錄出唐中常共化法僧。即法進。普照。星靜。思祐。義靜等。後經半月勅使良弁僧都及檢唐朝大德位名。和上位勅特贈。即大和上。法進。學生普照。延慶。星靜。法顯。思祐。義靜。又令佐伯今毛人出贈位絹廿匹。繩廿匹。大布四十端。細布一百屯。用施和上。餘僧各減半。從仁幹已下與半位物又減半。和上衆僧並合掌。頻勞主上憂當客人。時有大安寺唐律師道璿。問得來由。乃作讚詞。慶賀大和上。其年四月初勅於盧舍那佛前立壇。爲沙彌證修等四百卅余人受戒。後有内道場興行僧。神榮行潛等五十五人重受大小乘戒。至勝寶七歲於盧舍那佛前爲沙彌受戒。後有實行僧志忠。靈福。賢璟。善頂。道縁等八十餘人。遠起臥具進隆和光之族類者。來云受具足戒。〈已上〉